

PRAVILA NAGRADNE IGRE „Kad se Žuja kupuje, tad se u Njemačku putuje!”

1. Organizator nagradne igre

Organizator nagradne igre je Molson Coors BH d.o.o., sa sjedištem u ulici Braće Podgornika 4/E, Banja Luka (u daljem tekstu Organizator), JIB: 4403383490008, a u skladu sa odredbama Zakona o igrama na sreću FBiH ("Sl. novine FBiH", br. 48/2015 i 60/2015 - ispr.), te odredbama Pravilnika o sadržaju pravila, uslovima i načinu priređivanja nagradnih igara FBiH ("Sl. novine FBiH", br. 30/2016, 63/2019, 92/2020 i 12/2022).

2. Naziv nagradne igre

Naziv nagradne igre je „Kad se Žuja kupuje, tad se u Njemačku putuje!”

3. Trajanje i svrha nagradne igre

Nagradna igra traje u periodu od 01.04.2024. do 26.05.2024. godine, a priređuje se u svrhu promocije Ožujskog piva.

Nagradna igra se organizuje na teritoriji Federacije Bosne i Hercegovine.

Za vrijeme trajanja nagradne igre, pravila su dostupna i na web stranici www.zujatecasti.ba te Facebook stranici Ožujsko pivo BH.

4. Uslov učestvovanja u nagradnoj igri

Pravo učešća u nagradnoj igri imaju punoljetna fizička lica s prebivalištem na teritoriji Bosne i Hercegovine, koji u navedenom periodu u bilo kojem prodajnom/ugostiteljskom mjestu na području Federacije Bosne i Hercegovine ostvare kupovinu bilo koja dva pakovanja/proizvoda iz obitelji Ožujskog piva, a u skladu sa pravilima nagradne igre. Svaka osoba može učestvovati sa više računa. Svaki pojedini račun može biti iskorišten odnosno prijavljen za ovu nagradnu igru samo jednom.

Svaki učesnik u nagradnoj igri može učestvovati samo pod svojim imenom i prezimenom te učestvovanjem u nagradnoj igri potvrđuje da su svi navedeni lični podaci isključivo njegovi lični podaci te da se slaže s ovim Pravilima i uslovima nagradne igre.

U nagradnoj igri ne mogu učestvovati radnici Molson Coors BH d.o.o i SMS Vision d.o.o. te članova njihovih uži porodica/obitelji (roditelji, supružnik, djeca, sestre i braća) i druge osobe koje su na bilo koji način direktno uključene u organizaciju nagradne igre.

5. Učestvovanjem u nagradnoj igri učesnici prihvataju ova Pravila nagradne igre.

Nagradni fond i vrijednost nagrada

Ukupna vrijednost nagradnog fonda je 49.420,48 BAM sa PDV-om i sastoji se od:

- a) 2x vaučer za putovanje u Leipzig za dvoje na utakmicu Hrvatska - Italija vrijednosti od po 3911,66 BAM
- b) 8x mobilni telefon iPhone 15, 128GB u vrijednosti od po 1.611,09 BAM
- c) 8x Televizor Hisense QLED TV 55E7KQ PRO u vrijednosti od po 1041,3 BAM
- d) 280x poklon paketa u sastavu nogometna lopta i Ožujsko dres u vrijednosti od po 30,22 BAM
- e) 280x poklon paketa u sastavu Ožujsko pivo 6x0,33l + paket od 6 čaša + Ožujsko majica u vrijednosti od po 42,55 BAM

Učesnici u nagradnoj igri nemaju pravo od Molson Coors BH d.o.o. ili ostalih poduzeća koje učestvuju u organizaciji nagradne igre zahtijevati drugačije nagrade ili nagrade u većim količinama od onih koje su navedene u ovim Pravilima. Nagrade se ne mogu zamijeniti za novac. Učestvujući u nagradnoj igri, svi učesnici prihvataju uslove navedene u ovim Pravilima.

6. Način izvlačenja dobitnika nagrada

Nagradni fond je podijeljen na dnevne nagrade, sedmične i glavne nagrade.

Dnevna nagrada – Iz baze svih pristiglih SMS poruka i prijava putem web2sms modula na stranici www.zujatecasti.ba metodom slučajnog odabira, biće izvučeni dobitnici koji su učestvovali do trenutka izvlačenja nagrada za taj dan.

Dobitnici će biti obaviješteni putem SMS poruke i imaju rok od 7 (sedam) dana za dostavu računa u skladu sa instrukcijama. Izvlače se sljedeće nagrade:

- 5 dobitnika poklon paketa u sastavu nogometna lopta i Ožujsko dres,
- 5 dobitnika poklon paketa u sastavu Ožujsko pivo 6x0,33l + paket od 6 čaša + Ožujsko majica.

Dnevne nagrade će se izvlačiti počevši od 02.04.2024. godine u 10:00h za prethodni dan, i po toj mehanici do kraja nagradne igre.

Sedmična nagrada – Iz baze svih pristiglih SMS poruka i prijava putem web2sms modula na stranici www.zujatecasti.ba metodom slučajnog odabira, biće izvučeni dobitnici koji su učestvovali do trenutka izvlačenja nagrada za tu sedmicu.

Dobitnici će biti obaviješteni putem SMS poruke i imaju rok od 7 (sedam) dana za dostavu računa u skladu sa instrukcijama. Izvlače se sljedeće nagrade:

- 1 dobitnik iPhone 15,
- 1 dobitnik Televizor Hisense QLED TV 55E7KQ PRO.

Nagrade će se izvlačiti prema navedenim terminima i to:

1 x iPhone 08.04.2024.; 15.04.2024.; 22.04.2024.; 29.04.2024.; 06.05.2024.; 13.05.2024.; 20.05.2024.; 27.05.2024. u 10:00h.

1 x Televizor Hisense 08.04.2024.; 15.04.2024.; 22.04.2024.; 29.04.2024.; 06.05.2024.; 13.05.2024.; 20.05.2024.; 27.05.2024. u 10:00h.

Glavna nagrada – Iz baze svih pristiglih SMS poruka i prijava putem web2sms modula na stranici www.zujatecasti.ba metodom slučajnog odabira, biće izvučeni dobitnici koji su učestvovali do kraja nagradne igre, odnosno 26.05.2024. do 23:59.

Dobitnici će biti obaviješteni putem SMS poruke i imaju rok od 7 dana za dostavu računa u skladu sa instrukcijama. Izvlače se sljedeće nagrade:

- 2 dobitnik putovanja u Laipzig za dvoje 24.6.2024.

Glavna nagrada će se izvlačiti 27.05.2024. u 10:00h.

Nagradno putovanje uključuje povratne avio karte na relaciji Zagreb-Leipzig sa svim taksama, ulaznice na nogometnu utakmicu Hrvatska – Italija, zajednički ručak, putno osiguranje putnika. Aranžman ne uključuje prevoz do aerodroma u Zagrebu, smještaj na putovanju kao i ishranu (osim zajedničkog ručka). Jedan od putnika mora biti izvučeni dobitnik lično, drugi putnik u pratnji mora biti punoljetno lice. U slučaju da je trošak putovanja iznad vijednosti putovanja, Organizator snosi dodatne troškove. Viza za BiH građane nije potrebna. Nagradno putovanje se odnosi isključivo na iznad navedenu destinaciju u navedenom terminu i ne može se zamjeniti za drugu destinaciju ili novac. O detaljima puta će organizator obavijestiti dobitnike najkasnije 10 dana prije samog održavanja utakmice. Putnici sami snose odgovornost u toku i do kraja korištenja nagradnog putovanja.

Izvlačenje će se vršiti u prostorijama provajdera SMS Vision doo koji obavlja tehničku podršku, a koji će nadgledati regularnost javnog izvlačenja dobitnika i o istom sačiniti zapisnik.

Izvlačenje se vrši pomoću specijalno namijenjenog softvera principom slučajnog odabira od svih pristiglih ispravnih prijava putem SMS i WEB2SMS kanala.

Svi dobitni brojevi računa koji su izvučeni (koji su prošli verifikaciju i kontrolu ispravnosti), se automatski poništavaju i ne učestvuju u daljem izvlačenju.

Za svaku nagradu izvlači se i po 1 rezervni dobitnik, koji se smatra dobitnikom u slučaju da prvobitno izvučeni dobitnik ne ispunjava uslove (npr. dobitnik izjavi da je izgubio fiskalni račun ili u slučaju da prvobitnog dobitnika nije moguće obavijestiti o osvajanju nagrade u roku od 8 dana, jer je naveo nepostojeću ili pogrešnu adresu ili kontakt telefon.

Izvlačenje će nadgledati tročlana komisija, uposlenici Organizatora.

7. Proizvodi/pakovanja koja učestvuju u nagradnoj igri su:

Ožujsko pivo limenka 0,33l; Ožujsko pivo limenka 0,5l; Ožujsko multipakiranje 6 x 0,33l; Ožujsko multipakiranje 6 x 0,5l; Ožujsko multipakiranje 4 x 0,5l; Ožujsko pivo povratna boca 0,5l; Ožujsko pivo povratna boca 0,33l; Ožujsko pivo PET 2l; Ožujsko pivo Cool povratna boca 0,5l; Ožujsko pivo Limun limenka 0,5l; Ožujsko pivo Limun povratna boca 0,5l; Ožujsko pivo Limun povratna boca 0,33l; Ožujsko pivo Grejp limenka 0,5l; Ožujsko pivo Grejp Povratna boca 0,5l.

Kupovinom na jednom računu bilo koja dva proizvoda iz porodice Ožujskog piva navedenih u ovom članku, u bilo kojem prodajnom/ugostiteljskom mjestu na području Federacije Bosne i Hercegovine, kupac stiče pravo učestvovanja u nagradnoj igri.

8. Mehanizam nagradne igre

Mehanizam nagradne igre je sljedeći:

Kupovinom dva proizvoda Ožujskog piva iz porodice Ožujsko navedenih u članku 6. ovih Pravila, u bilo kojem prodajnom/ugostiteljskom mjestu na području Federacije Bosne i Hercegovine, kupac stiče pravo učestvovanja u nagradnoj igri. Kupac može učestvovati u nagradnoj igri na jedan od dva načina, ali uvijek s novim brojem računa, putem SMS-a ili prijavom preko web stranice.

Za svaku kupovinu navedenih proizvoda/pakovanja, kupac šalje tekstualnu SMS poruku sadržaja: Broj fiskalnog računa(razmak)ime i prezime(razmak)grad kupca na broj 091212414. Primjer: 12345 Ivan Ivanović Mostar.

Broj fiskalnog računa se nalazi na odštampanom računu i ima oznaku BF. Cijena jedne SMS poruke iznosi 0,20 KM (PDV nije uključen u cijenu). Drugi način prijave podataka je putem web stranice www.zujatecasti.ba. Dužina SMS poruke ograničena je na 160, odnosno 70 znakova u slučaju korištenja posebnih znakova kao što su slova č, ć, ž, đ. Poruka čija dužina prelazi navedena ograničenja, prelazi u drugu poruku te će kao takva i biti naplaćena od strane mobilnog operatera. Zbog navedenoga, preporuka je ne koristiti posebne znakove u tekstu SMS poruke. Nakon slanja SMS poruke sa svim potrebnim podacima, kupac će primiti SMS poruku sa potvrdom o uspješnom učešću i svoj jedinstveni sigurnosni SMS kod.

Sigurnosni SMS kod sadrži 5 jedinstvenih alfanumerika i služi kao dodatni sigurnosni elemenat i vezan je za broj računa i broj telefona učesnika. Ukoliko korisnik pošalje SMS neispravnog sadržaja, u povratnom SMS-u će dobiti kratko uputstvo o pravilnom učešću. Ukoliko korisnik pošalje SMS sa brojem računa koji je već registrovan, dobiti će obavještenje da je račun već iskorišten. Nakon prijave putem web stranice sa svim potrebnim ispravno upisanim podacima, učesnik će dobiti SMS sa potvrdom o učešću i svoj jedinstveni sigurnosni SMS kod.

Kako bi učestvovanje u nagradnoj igri bilo validno, kupac je dužan sačuvati original računa do nagradnog izvlačenja kao potvrdu kupovine proizvoda Ožujsko iz porodice Ožujsko u bilo kojem pakovanju navedenog u članku 6. ovih Pravila.

Priredivač ne preuzima odgovornost za neispravne podatke.

U slučaju jednokratne kupovine bilo kojeg pakovanja koja učestvuju u nagradnoj igri kupac može poslati samo jednu tekstualnu SMS poruku za učestvovanje u nagradnoj igri ili se može samo jednom prijaviti putem web-a uz napomenu da ukoliko kupac učestvuje u nagradnoj igri putem slanja SMS-a poruka, tada kupac ne može s istim računom učestvovati i putem web-a.

Svaki od učesnika nagradne igre ima pravo učestvovati s neograničenim brojem poslanih SMS poruka i/ili prijava putem weba, ali svaki put sa novim brojem računa. Ako isti broj računa bude ponovno poslan s istog ili nekog drugog broja telefona i/ili ukoliko bude prijavljen više od jednog puta putem weba ta će prijava biti proglašena nevažećom. Jedan učesnik može osvojiti jednu nagradu.

9. Način obavještenja i objavljivanja dobitnika nagrada

Organizator je obvezan obavijestiti dobitnika o osvojenoj nagradi u roku od osam dana od dana izvlačenja dobitnika nagrada telefonskim putem, e-mailom ili poštom.

Rezultati izvlačenja, odnosno dobitnici svih podijeljenih nagrada biće objavljeni na web stranici www.zujatecasti.ba najkasnije osam dana od dana izvlačenja dobitnika nagrada.

Ukoliko zbog okolnosti za koje nije kriv Organizator (dostavljeni pogrešni lični podatci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

10. Utvrđivanje broja računa

Nagrade će biti uručene nakon ispitivanja istovjetnosti izvučenog dobitnog broja računa s brojem originala računa koji su učesnici, odnosno dobitnici dužni sačuvati do dana preuzimanja nagrade. Krivotvoreni brojevi računa ili brojevi računa s neovlaštenim promjenama biće smatrani nevažećima.

11. Isporuka i rok za preuzimanje nagrada

Sve nagrade koje će biti podijeljene tokom trajanja nagradne igre navedene su u članu 7. ovih Pravila.

Nagrade će biti poslate na kućne adrese dobitnika, tačnije na adrese koje sami dobitnici daju Organizatoru, putem poštanskih/kurirskih službi. Organizator ne snosi odgovornost u slučaju da kurirska služba ne može da stupi u kontakt sa bilo kojim od dobitnika, iz razloga koji ne spadaju u odgovornost Organizatora ili ukoliko im se ne može dostaviti nagrada u roku od 30 radnih dana od dana objavljivanja konačne rang liste dobitnika. Nakon ovog perioda, Organizator nije u obavezi da uruči nagradu Dobitniku.

Pri preuzimanju nagrada, dobitnici će potpisati posebne potvrde o prijemu nagrada čime prestaju sve dalje obveze Molson Coors BH d.o.o. ili ostalih poduzeća koje učestvuju u organizaciji nagradne igre prema njima.

12. Rok izdavanja dobitaka

Rok za preuzimanje nagrada je 30 dana od dana obavještenja o dobitku nagrade, odnosno u skladu sa članom 14. Pravilnika o sadržaju pravila, uslovima i načinu priređivanja nagradnih igara FBiH.

Dobitnici nemaju pravo tražiti isplatu novčane protuvrijednosti osvojene nagrade, niti zamjenu za druge nagrade ili usluge.

13. Porez i odgovornosti

Porez na dohodak obračunavaće se u skladu sa Zakonom o porezu na dohodak. Nagrade se ne mogu prenijeti niti ustupiti drugima prije nego što se izvrši njihovo uručenje dobitniku.

Organizator preuzima odgovornost da pravovremeno i tačno informiše učesnika u nagradnoj igri o njegovim pravima i obavezama kod preuzimanja nagrada.

Organizator ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

Učesnik se slaže da Organizator neće biti odgovoran za funkcioniranje ili upotrebu nagrade. Učesnik prihvata da gore navedeni subjekti nisu, niti će na bilo koji način biti odgovorni za ikakve obveze, garanciju ili jamstvo koji bi, bilo po zakonu ili po prirodi stvari, mogli nastati u vezi s bilo kojom nagradom, što uključuje, ali se ne ograničava na kvalitet, mehanička svojstva ili prikladnost nagrade.

14. Promotivne aktivnosti u vezi sa nagradnom igrom/korišćenje ličnih podataka

Učestvovanjem u ovoj nagradnoj igri, učesnici su saglasni da se, ukoliko postanu dobitnici nagrade, njihovi video i audio materijali s kojima su učestvovali u nagradnoj igri, mogu od strane Priređivača objaviti i koristiti bez naknade u štampanom, zvučnom, slikovnom i video materijalu bez vremenskog i teritorijalnog ograničenja u svim medijima.

Učesnici nagradne igre suglasni su da Molson Coors BH, obrađuje i objavljuje njihove lične podatke navedene u ovoj nagradnoj igri te se njima koristi u marketinške i promotivne svrhe u vezi sa ovom nagradnom igrom.

Molson Coors BH će navedene lične podatke koristiti za:

1. Kontaktiranje učesnika radi dogovora oko dostave nagrade,
2. Dostavljanja nagrade učesniku,
3. Promotivne i marketinške svrhe u vezi sa ovom nagradnom igrom.

Učešćem u nagradnoj igri, učesnici potvrđuju prihvaćanje ovih Pravila i daju saglasnost Organizatoru da prikuplja i obrađuje navedene lične podatke isključivo u svrhu provođenja ove nagradne igre i na način kako je to opisano u ovim Pravilima. Prikupljeni lični podaci koriste se za samo evidenciju Organizatora.

Organizator je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu poznati sa podacima.

Učesnik u nagradnoj igri je odgovoran za davanje tačnih podataka Organizatoru, u cilju provođenja ove nagradne igre.

Učesnici prihvatanjem ovih Pravila daju svoju saglasnost da, ako postanu dobitnici nagrada, organizator može proslijediti njihove lične podatke trećim licima (odabranoj dostavnoj službi isključivo u svrhu dostave osvojene nagrade u nagradnoj igri, u računovodstvene svrhe radi eventualnog plaćanja poreza na dohodak), isključivo u svrhu provođenja ove nagradne igre.

Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvaća da takvo povlačenje saglasnosti uzrokuje nemogućnost daljnjeg učešća u nagradnoj igri.

15. Postupak u slučaju otkazivanja izvlačenja

Nagradna igra se može prekinuti uz saglasnost Federalnog Ministarstva Finansija jedino u slučaju više sile ili u slučaju koji ne zavisi od volje Organizatora, a otkazivanje ili odgađanje nagradne igre će biti objavljeni u istim dnevnim novinama u kojima je nagradna igra objavljena, u kojem slučaju se Organizator oslobađa svih mogućih nastalih obveza prema učesniku.

16. Pravila nagradne igre

Informacije o nagradnoj igri potrošači mogu pronaći na:

- a) internetskoj stranici www.zujatecasti.ba
- b) promotivnim materijalima nagradne igre izloženim na prodajnim mjestima na teritoriji Federacije BiH,
- c) kontaktiranjem Viber korisničke podrške na broj telefona 066 020 020 ili
- d) slanjem upita na mail korisnicka.podrska@smsvision.ba

17. Ostalo

Svi eventualni sporovi sa učesnicima u nagradnoj igri će se rješavati sporazumno, a u slučaju da se nastali spor ne može riješiti na ovaj način utvrđuje se nadležnost suda u Banjoj Luci.

U trenutku potpisa zapisnika o preuzimanju nagrade ili pak istekom roka za preuzimanje nagrada, ili roka nagradne igre, prestaju sve obveze i odgovornosti Molson Coors BH d.o.o, prema dobitniku.

Pravila nagradne igre stupaju na snagu 01.04.2024. u skladu sa odobrenjem Federalnog Ministarstva finansija broj UP-05-12-1-282/24 od 19.03.2024. godine.